

V. 1^a F.

(cat. 4, 10-33^b)

*De Professoribus Rhetoricis
in Acad. Lips.*

30

DECANUS

Communitatis Studii Bonarum Artium

& Philosophiæ

ad

ORATIONEM

1702

in

MEMORIAM HEINRICIANAM

ad d. 13. Julii post IX, matutinam

in Auditorio Philosophico

solemniter recitandam

humanissime invitatur

4. 30

H. F. J. J. J.



Non alienum erit ab instituto nostro, paucis Professores Rhetoricos recensere, qui per finitum non ita pridem seculum a nato Christo decimum septimum publicis stipendiis in hac Academia docuerunt. Intimarum enim, habitum iri in memoriam Viri, qui de indigentibus Musis egregie meritus fuit, orationem, cur non memoria quoque reperatur eorum, quorum studio operisque, qui orationes recitant, facultatem dicendi adipiscuntur. Sed & facile est, cum catalogum Professorum ipsorum texere, tum brevibus declarare, quid in rebus ipsorum dignum occurrat, quod ad posteritatem transferatur. Nempe commemorandi in catalogo quinque imprimis sunt Viri. Primus est Johannes Curtius, qui Rhetoricus fuit a mense Februario anni millesimi, quingentesimi nonagesimi noni, usque ad Junium anni millesimi, sexcentissimi vigesimi. Curtio successit secundus Andreas Corvinus, munereque hoc functus est usque ad annum millesimum sexcentessimum quadragesimum septimum. Tertius fuit Hieronymus Kromayerus post Corvinum eloquentiam docens usque ad annum millesimum, sexcentessimum, quinquagesimum octavum. Kromayerum excepit quartus Jacobus Thomastus in munere hoc durans usque ad annum millesimum, sexcentessimum, octogessimum quartum. Quintus & ultimus est, qui non facile enarrandis meritis cum studiosam juventutem tum totam Academiam hoc etiam ad huc tempore, postque finitum adeo seculum sibi devincit, celeberrimus Vir Johannes Schmidius in rebus singulorum horum Professorum recensendis fas forte sit istos solos intueri, & quid in iis sciri mereatur, proponere. Sed potius videtur instituta cum doctoribus Rhetoricis seculi decimi sexti collatione, quomodo inter se vel conveniant, vel differant, explicari. Quod ut commodius fieri possit, opus est, ut & ex tempore dicto Professores allegentur. Quos vero omnes non dabo, sed ex iis eos tantum afferam, qui indimidio seculi posteriore vixerunt. Fuit igitur orator Lipsiensis Casparus Jungermannus usque ad annum millesimum, quingentesimum, septuagesimum tertium, post hunc Maximus Gœritzus usque ad annum millesimum, quingentesimum septuagesimum sextum; Tum Hieronymus Zynaus, usque ad annum millesimum, quingentesimum & octogessimum; Deinde Johannes Rivius, usque ad annum millesimum, quingentesimum & octogessimum quartum; Ulterius Daniel Frisius, usque ad annum millesimum, quingentesimum, octogessimum sextum; Porro Johannes Neldelius, usque ad annum millesimum, quingentesimum, octogessimum octavum; Deinde Georgius Cuneilus, usque ad annum millesimum, quingentesimum, nonagesimum quintum; Tandemque Johannes Fridericus usque ad annum millesimum, quingentesimum nonagesimum nonum. Apparet autem initio statim maxima differentia Professorum seculi decimi sexti & decimi septimi quoad numerum personarum, Vix enim per integrum posterius seculum quinque computantur, cum ex quadraginta posterioribus seculi prioris annis octo jam commemorati sint

sint. Sed in reliquis tamen extantior est similitudo. Et ex singulis quidem Nationibus. ex quibus Academia hæc constat in utroque seculo Oratores extiterunt. Referri enim debent inter Saxones Curtius Bischoffs rodenfis, inter Bavaros Corvinus Westenfeldensis, inter Misnicos Kromayerus Cizenfis, & Thomafius Liptensis, inter Polonos Schmidius, Uraislavienfis. Memorabileque imprimis est, quod eo ordine Nationes se invicem exceperunt, quæ Curatores novi Collegii ex antiqua constitutione eliguntur restantibusque facultatibus:

Hoc Curatores succedunt ordine nostri

Saxo post Bavarus, Misnienfis & inde Polonus,

Sed & in seculo decimo sexto singulæ Nationes suos Professores habuerunt. Pertinuit enim ad Saxones Casparus Jungermannus, Servestanus, ad Bavaros Frisius Argentoratensis & Fridericus Wolffshufanus, ad Misnicos Gœrtzius Martisburgensis, Zynaus Liptensis, & Cunelius Dresdenfis, ad Polonos Neldelius Glogovienfis. Quæ superiores Facultates, reliquasque Communitatis Philosophiæ disciplinas nulla etiam desiderari potest. Ad Theologos quippe referendi sunt Kromayerus & Schmidius uterque Doctores & Professores Theologiæ, ille quidem ordinarius, hic extraordinarius, ad Jureconsultos Jungermannus, Zynaus, Curtius & Corvinus; ad Medicos Gœrtzius & Cunelius; ad Philosophos solos Fridericus & Thomafius. Et manifestum sic simul etiam evadit, in seculo priori desiderari inter Oratores Theologos, in posteriori vero præcipue medicos. Omnes Assesores Communitatis Philosophicæ fuerunt, antequam Professores eligerentur, uno excepto Rivio prius Professore quam Assesore facto. Nec paucos referre possum, qui alia munera ante sustinuerunt, quam Rhetoricæ studiis addicerentur. Transit enim ad hoc munus a Professione utriusque lingvæ Gœrtzius, a lectione dialectica Zynaus & Thomafius, a laboribus scholasticis Annebergenfis Fridericus, a lectionibus historicis Kromayerus. Quin & fuerunt, qui alia munera simul cum oratoriæ studiis publicis conjunxerunt. Notarius enim Academiæ sic fuit Zynaus. Latinam linguam a morte Conradi Bavari docuit Corvinus. Inque schola cum Nicolaitana tum Thomana oppidana per duodecim annos, & quod excurrit, ante finem vitæ Rectorem egit Thomafius. In Facultate sua, Academiaque ipsa cum Decanatum, tum Rectorum gesserunt etiam. Ut de his tantum dicatur, qui seculum posterius illustrarunt, Decanali munere functi sunt Curtius bis ultimaque vice anno millesimo, sexcentesimo & quinto, quo minus sæpius idem unus suscipere posset, impeditus doctoratu Juridico, post quem impetratum ex Communitate Philosophica in dispensatione Magistrorum anno millesimo, sexcentesimo quinto dimissus est, etiam Professionem artium usque ad annum vigesimum ejusdem seculi retinere; Corvinus octies: Kromayerus quater: Thomafius quinque, Schmidius quater, idque ultimus quidem hoc majoribus laudibus & meritis, quod ex manu ejus centum & sexaginta octo eruditissimi juvenes lauream Philosophicam summam insolita quidem, quam diu hæc Academia floruit, felicitate & binis quidem vicibus singulis prima & tertia triginta octo, binis vero secunda & quarta quadraginta sex acceperunt, ex quibus & multi egregie jam in Ecclesia, Academiis & Republica de bonis publicis merentur. Rectores autem fuerunt Curtius, Corvinus & Schmidius ter; Kromayerus & Thomafius semel. Non una ratio fuit, quæ præcepta Rhetorica docere desierunt. Extiterunt enim, qui morte missionem adepti sunt, ut ex seculo posteriore Corvinus & Thomafius & ex priori Gœrtzius Zynaus & Cunelius. Extiterunt qui ad alias Professiones accedentes alius eloquentiam reliquerunt, ut seculo aut posteriori aut priori post oratoriam Theologicam accepit Kromayerus, & Juridicam Jungermannus & Cur-

tius

tius ex Seculo vero priori cum eloquentia Logicam Ethicamque Doctrinam mutavit Neldelius. Extiterunt, qui sua sponte munere se hoc abdicarunt, ut Rivius & Friesius, etsi annotatum non sit, quocumque abirent, fecerunt. Quam vitam privatam non pauca essent, quæ signari possent. Imprimis que honorificam matris inuili mentionem fieri liceret. Novimus enim Jungermannum generum fuisse se incomparabilis Camerarii, Neldelium Lepzelteriam ex splendida familia virginem uxorem duxisse; Thomasi posteriorem ex duabus conjugum relictam a Collega & Professore Communitatis Philosophicæ Hornschuchio viduam exitisse. Sed non patitur chartæ angustia hæc & similia prolixè nunc extequi. Quare ad postremum quod dicendum adhuc restat, accedo, eloquentiamque maxima per horum virorum operas incrementa cepisse, observo. De qua quidem re ambigere non potest, quicumque cogitaverit & ex Fonte Latinitatis Corviniano summam orationis puritatem & castitatem scaturire, & in orationibus, & præfationibus disputationibus ante conflictum præmissis Thomasiæ florentissimam dicendi copiam & ad veram eloquentiam promptam & expeditam viam inveniri. Quin & ad profectus in dicendi studiis ubertiores pertinet, quod per singulos annos in memoriam virorum munificorum, qui ad erigendas indigentiorum necessitates liberalia stipendia constituerunt, publica solennitate orationes habentur, Et harum quidem tres sunt. Prima in honorem Georgii Ridelii a Lenensfern Uratislaviensis & Capitanei cæpit mense septembris anni millesimi, sexcentissimi, septuagesimi quarti. Secunda benignitatem prædicat D. Danielis Egidii Henrici Utriusque jur. Doct. clarissimi primumque habita est mense Majo anni millesimi, sexcentissimi, octogesimali septimi. Tertia clarissimum virum M. Joh. Christianum Geierum Theologi summi D. Martini Geierl b. m. Filium ob ordinatam in Convictorio publico in comoda pauperum mensam veneratur & colita mense Februario anni millesimi, sexcentissimi, octogesimali octavi, Hæc que etiam ut singulis hæcenus a principibus suis recitatae sunt annis, ita & per currentem hunc habebantur iterum. Et Geieriana quidem memoria recolatur mense jam Februario, Rideliana in Septembrem differetur, HEINRICIANA vero ad instantem proxime Jovis diem celebrabitur. Recitabit enim hoc consilio menteque orationem non incomtam Pereximus Juvenis Dn. Erhardus Thumbser Dreßdenfis S. S. Theolog. Studiosus perindustrius, quod hoc tempore stipendio ex ejus liberalitate proficiente fruitur. Ad quam audiendam ut Magnificus Academiae Rector utriusque Republicæ Proceres literarumque Patroni alii & cultores omnes ad futurum proxime Jovis diem Loco consueto post IX. matutinam benevole conveniant, ut decet officiose rogamus, nullam occasionem prætermittimus nos polliceri, qua ad componendam comparandi promptitudinem paratissima quævis studia atque obsequia exhibere iterum poterimus. P. P. Dom. IV. post Trin. A. R. S. M. DCC. II.

L I P S I Æ.

Typis KRÜGERIANIS.

Yc 6897

2^o

III




5b.


1077

n. l. u





rum & praestantissimorum, quae
ustrandam faciunt, tomis tribus
t, vt alia scripta & argumenta
ata, taceamus. Quemadmo-
cio praeferimus, quo *Bibliotheca*
lignifusus, tum A. MDCCXXXIII.
ibus bonarum literarum cupidis



ta sinebria, concionis sic dictae
tus inter lugubres, perfoluen-
ESTISSIMAE, matronae
S MOERENTI ligni-
MDCCXXXII.

KOPFIANIS.

*De Professionibus Rhetorices
in Acad. Lips.*

30

DECANUS
Communitatis Studii Bonarum Artium
& Philosophiæ
ad
ORATIONEM
in
MEMORIAM HEINRICIANAM
ad d. 13. Julii post IX. matutinam

1702

in Auditorio Philosophico

solemniter recitandam

humanissime invitatur

4. 30.

H. F. J. J. J.

